



Ioannes ille Mechliniæ natus & educatus fuit. Is
 postea se Louanium contulit, & in ea Academia
 adeò profecit, ut doctissimis Theologis anume-
 raretur. erat etiam morum sanctitate insignis, & in
 primis pauperū singularis patronus. Hic cum pro
 sua prudentia intelligeret Deo nihil gratius esse
 quam optimæ spei pauperes adolescentes publico
 sumptu alere, ut certum Reipublicæ & Ecclesiæ se-
 minarium, Louanij ex paternis & acquisitis bonis
 an. millesimo quadringentesimo nonagesimo octa-
 uo pauperum Collegiū instituit, quod à sui Institu-
 toris nomine Standonicū appellatur. Iuuenes qui
 in eo aluntur, primū Philosophiæ, deinde sacris
 literis operam impendunt. Complures etiam in eo contubernio adeò incla-
 ruerunt, ut ad Ecclesiarum gubernationes, & alias præclaras Reipublicæ fun-
 ctiones uocati fuerint. Itaque Ioannes ille non tantum uiuens presentibus, sed
 etiā mortuus posteritati præclaro suo instituto profuit. Paraleypom, Vrsper.